

ՀԱՇՎԵՏՎՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՇԱՀՈՒՄՅԱՆԻ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐԻ 2015 ԹՎԱԿԱՆԻ ԲՅՈՒՋԵԻ ԱՌԱՋԻՆ ԿԻՍԱՄՅԱԿՈՒՄ ԿԱՏԱՐԱԾ
ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Ձեկուցող՝ համայնքի ղեկավար Յ.Գ.Նավասարդյան

2015 թվականի հուլիսի 18- ին Արմավիրի մարզի Շահումյան համայնքում տեղի ունեցավ ժողով՝ մասնակցությամբ մարզպետարանի աշխատակազմի ներկայացուցիչ Վարազդատ Սկրտչյանի, Շահումյան համայնքի ավագանիներ Ս.Պողոսյանի, Կ.Եղիազարյանի, Ե.Նավասարդյանի, Վ.Համբարձումյանի, Ա.Գրիգորյանի, Ս.Հարությունյանի, Բ.Սաղոյանի և համայնքի բնակիչների:

Շահումյան համայնքի հարգելի ավագանիներ և հյուրեր, ձեզ եմ ներկայացնում 2015 թվականի առաջին կիսամյակի բյուջեի կատարման հաշվետվությունը:

Ինչպես գիտեք, համայնքի բյուջեի միջոցով իրականացվում է համայնքի կենսագործունեությունն ապահովող ֆինանսատնտեսական քաղաքականությունը, ուստի ինձ համար կարևոր է ձեր կարծիքը բյուջեի գործընթացի մասին:

Իմ հանձնարարությամբ Աշխատակազմի քարտուղարի կողմից իրականացվել է գյուղապետարանի աշխատակազմի անխափան աշխատանքը: Նախապատրաստվել է համայնքի ավագանու նիստերի օրակարգը, նիստում քննարկվող հարցերի նախագծերը:

Հրավիրվել և վարվել է ավագանու 5-նիստ, որից 3-ը հերթական, 2-ը արտահերթ:

Ղեկավարվելով «Տեղական ինքնակառավարման մասին», «Իրավական ակտերի մասին» Հայաստանի Հանրապետության օրենքներով, այլ օրենքներով և իրավական ակտերով, հաշվետու ժամանակաշրջանում իրականացվել է պետության կողմից պատվիրակված և կամավոր լիազորություններ:

Աշխատակազմի քարտուղար Գ.Համբարձումյանը, պահպանելով «Տեղական ինքնակառավարման մասին» Հայաստանի Հանրապետության օրենքի պահանջները, ժամանակին ապահովել է համայնքի ղեկավարի և ավագանու որոշումների առաքումը մարզպետարան:

Կազմակերպվել է քաղաքացիների ընդունելություն համայնքի ղեկավարի մոտ: Ընդունելության եկած քաղաքացիներին տրվել է սպառիչ պատասխան:

Հայաստանի Հանրապետության Արմավիրի մարզպետարանից և այլ կազմակերպություններից ստացված գրություններին պատասխանվել է ժամանակին և ապահովվել է այդ գրություններում նշված պահանջների կատարումը:

Ղեկավարվելով «Տեղական ինքնակառավարման մասին» ՀՀ օրենքի պահանջներով՝ իմ կողմից իրականացվել է օրենքով սահմանված մի շարք պարտադիր լիազորություններ: Հաշվետու ժամանակաշրջանում վերահսկողություն է իրականացվել հողի հարկի և գույքահարկի հարկատեսակների հավաքագրման աշխատանքների նկատմամբ:

2015 թվականի առաջին կիսամյակի կտրվածքով բյուջեի եկամուտները կազմել են 15645.1 հազ. դրամ, որի հիման վրա էլ մեր կողմից իրականացվել է պետության կողմից պատվիրակված և համայնքի ղեկավարի կամավոր լիազորությունները:

Հողի հարկը առաջին կիսամյակի կտրվածքով կազմել է 2250.0 հազ. դրամ, հավաքագրվել է 370.0 հազ. դրամ, կատարողականը 16.4 %:

Հողի վարձակալության վճարը կազմել է 50.0 հազ. դրամ, հավաքագրվել է 6.9 հազ. դրամ, կատարողականը 13.8 %:

Գույքահարկ փոխադրամիջոցների համար կազմել է 650.0 հազ. դրամ, հավաքագրվել է 1188.4 հազ. դրամ, կատարողականը 181.2 %:

Գույքահարկ շենք - շինությունների համար կազմել է 100.0 հազ. դրամ, հավաքագրվել է 43.6 հազ. դրամ, կատարողականը 43.6 %:

Տեղական տուրքերի գծով համայնքի տարածքում առևտրի կետերի ծխախոտի և ոգելից խմիչքների վաճառքի թույլտվության համար սահմանված 105.0 հազ. դրամի դիմաց առաջին կիսամյակի կտրվածքով հավաքագրվել է 0 հազ. դրամ, կատարողականը 0%:

Գազ և վառելիքաքսայուղային նյութեր՝ 75.0 հազ. դրամի դիմաց հավաքագրվել է 0 հազ. դրամ, կատարողականը 0 %:

Առաջին կիսամյակի կտրվածքով սեփական եկամուտների հավաքագրման կատարողականը պլանի նկատմամբ /հողի հարկ, փոխադրամիջոցի գույքահարկ, շենք-շինությունների գույքահարկ, վարձակալական հողի հարկ/ կազմել է 50.7 %:

Հողի հարկի մասով 2015 թվականի առաջին կիսամյակի կտրվածքով հավաքագրվել է 370.0 հազ. դրամ 2250.0 հազ. դրամի փոխարեն: Պատճառը կայանում է նրանում, որ գյուղում հիմնականում մշակվում է աշնանացան ցորեն, խաղող, սոխ, պոմիդոր և բերքը դեռևս չեն ստացել/չեն վաճառել/ և գյուղացին վճարելու հնարավորություն չունի:

Քաղաքացիների, տնտեսվարող սուբյեկտների իրավունքների պաշտպանության բնագավառում իրականացվել է համայնքի ղեկավարի պարտադիր լիազորությունները:

Քաղաքաշինության և կոմունալ տնտեսության բնագավառում կատարվել են հետևյալ աշխատանքները՝

- համայնքում աղբահանությունը բնականոն կատարվում է ամիսը 3 անգամ՝ էջմիածնի քաղաքապետարանի բնակկոմունալ վարչության հետ կնքված պայմանագրի հիման վրա ,
- սահմանված կարգով բնակչությանը իրազեկվել է ծրագրվող քաղաքաշինական փոփոխությունների, կառուցապատման հետ կապված օրենսդրական փոփոխությունների մասին,

Հողօգտագործման բնագավառում՝

իրականացվել է վերահսկողություն համայնքի վարչական սահմաններում գտնվող հողերի նպատակային օգտագործման և հողօգտագործողների կողմից հողային օրենսդրության պահանջների պահպանման նկատմամբ:

Կրթության և մշակույթի բնագավառում իմ կողմից մշտական ուշադրության է արժանանում գյուղի միջնակարգ դպրոցը: Գյուղի դպրոցում իրականացվող միջոցառումները արժանանում են գյուղապետարանի աջակցությանը:

Երկրորդ դասարանցիներին Հայոց ցեղասպանության 100-րդ տարելիցի կապակցությամբ Ծիծեռնակաբերդի հուշահամալիր էքսկուրսիա կազմակերպելու և Խամաճիկների թատրոնում «Մատնաչափիկը» ներկայացման համար տոմսեր ձեռք բերելու նպատակով հատկացվել է 51000/հիսունմեկ հազար/ ՀՀ դրամ:

Բարձր դասարանցիներին համար Հայոց ցեղասպանության 100-րդ տարելիցի կապակցությամբ «Նեմեսիս» խորագրով միջոցառում կազմակերպելու համար հատկացվել է 120000/մեկ հարյուր քսան հազար/ ՀՀ դրամ:

Շրջանավարտներին «Վերջին զանգի» և ավարտական երեկոյի կազմակերպման համար համայնքի բյուջեից տրամադրվել է 500000 /հինգ հարյուր հազար/ դրամ:

Մարտի 8-ի տոնի կապակցությամբ իմ կողմից ուշադրության են արժանացվել համայնքի մանկավարժները, բուժաշխատողները: Գյուղապետարանի և մշակույթի տան կին աշխատակիցների համար համայնքի բյուջեից տրամադրվել է 270000 /երկու հարյուր յոթանասուն հազար/ դրամ գումար՝ նվերներ ձեռք բերելու նպատակով :

Մայիսյան տոների կապակցությամբ համայնքի ՀՄՊ վետերանին, արցախյան պատերազմում զոհվածի, ԼՂՀ-ում ծառայության ընթացքում զոհվածի և վիրավորված զինծառայողների ընտանիքներին համայնքի բյուջեից տրամադրվել է 240000 /երկու հարյուր քառասուն հազար/ ՀՀ դրամ:

«Հայոց բանակի» տոնի կապակցությամբ համայնքի 19 զինծառայողների ընտանիքներին տրամադրվել է 161500 /մեկ հարյուր վաթսունմեկ հազար հինգ հարյուր/ ՀՀ դրամ:

Գյուղատնտեսության բնագավառում կազմակերպվել է գյուղատնտեսական մշակաբույսերի հիվանդությունների, վնասատուների և մոլախոտերի դեմ պայքարի աշխատանքները:

Հողօգտագործողներին մորմագգի մշակաբույսերի ցանքատարածությունները ականող ցեց վնասատուի դեմ պայքարելու համար իմ հանաձնարարությամբ մարզպետարանից հատկացված ֆերոմոնային թակարդները տեղադրվել են ցանքատարածություններում:

Համայնքն ունի մի շարք հիմնախդիրներ, որոնցից են՝

- մշակույթի տան վերանորոգում,
- գյուղապետարանի շենքի վերանորոգում,
- համայնքը չունի գլխավոր հատակագիծ,
- ոռոգման ջրի ներտնտեսային ցանցի 4 կմ խողովակների ձեռքբերում:



Շահունյան համայնքի ղեկավար՝

Յ.Գ.Նավասարդյան